

آبونه شرائطی : هریر ایچول
سنه لکی (۴۰۰) آلتی آیلمی
(۲۲۵) ممالک اجنبیه ایچون
سنه لکی (۴۵۰) ، آلتی آیلمی
(۲۵۰) غروشدور .

نسخه سی ۷,۵ غروشدور .
سنه لکی ۵۰ عددور .

اداره خانه : باب عالی جاده سنده
رشید افندی خاندنه

اخطارات

آبونه بدلی پشیندر .

مسلكه موافق آثار مع الممنونیه
قبول اولنور . درج ایدله یین
یازیلر اعاده اولتماز .

الکشاف

آدره من تبدیلنده ایریمجه
غروش کوندرملیدر .

مکتوبلرک امضالری واضح
واوقوناقلی اولسی و آبونه
مره نومروسنی محتوی
بولونسی لازمدور

ممالک اجنبیه ایچون آبونه
اولانلرک آدرس لرینک
فرانسزجه یازلسی رجا اولنور .

پاره کوندردلیکی زمان نهیه
داثر اولدیغی بیلدیرلسی
رجا اولنور

اتبعون اهدکم سیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

اقتباس استدیکنی علمی بر صورتده تعیین ایده بیلیمک هر مستشرقه میسر اوله مایه حق غوامضنددر. مع مافیہ : وما ذلک علی الله بعزیز . چونکه آدمدن خاتمہ قدر والی ماشاء الله تعالی بو خاتقاء عالم صوفیون الہیوندن خالی دکدر . (و منهم من لم نقصص علیک) نص صریحی بزه هندلرده ، چینلرده ، ایران وتورانده ، چارکوشه جهانده اول و آخر بر چوق پیغمبر و حکمای متألہین واحبار ورہابین و علمای ربانین اکیسک اولمایه جغنی سویلہ یور . و بو الہی زمردنک عمدہ سی وحی الہی اولاجغنه کورہ بالخاصہ مسائل توحیددہ جملہ سنک اساس بیاناتی بر اوله جقدر . تخلف اولسہ بیلہ تخالف السنہ وازمنہ ومذاهب و مشاربیدن حصولہ کلہ جکی بدہیددر . شو صورتده آرتق حق یولندن عصرلردن بری روان اوله کلن بونجہ الہیونک یکدیگری ایزینہ باصہ بیلیمہ لری دہ یک ضروری اولنجہ اواز لک قدیم و جدیدینی وانواعی تعیین مشکلددر .

ماسینیونک (ارض سمسہ) یہ تعرضہ قارشی مدافعہ کزی یک حکیمانہ ، یک قیمتدار بولدم . کوکلم - شفاہادہ عرض ایلدیکم و جملہ - ذات دولتشکزک بر کرہ جهان مشوی یہ طالمہ کزی یک آرزو ایدیور . ایشته او وقت عوالم موجودہ ایچندہ ارض سمسہ بہ بکزر بیجہ عالم اوله بیلہ جکی کورولہ جک و بیلکہ سیر وسلوک نتیجہ سنده او طالمردہ سیران ایدیلہ جکدر . بندہ کزک بوکا علم الیقین ایمان کامل وارددر . حضرت شیخک ابتدای فتوحاتدہ بردہ (عالم حروف) ی وار . ناضلسہ مستشرق فاضل اوکا دائر فکرینی یازمامش ، بو (عالم حروف) کہ موافق ، مخالف متنوع اقوامدن بیلرندہ حرب و صلح ظهورہ کلن بر عالم لطیف مخلوقاتیدرلر . نظر استغرابی جلبدہ ارض سمسہ دن آشاغی دکدر . معلوم کاملانہ لریدرکہ بو حروف مبحثی فضل حروفینک اصول حروفیہ سنہ بکزمہ مز ؛ اونککی قرامطہ اصولیدر .

حاصلی (الہیات) و (مبدأ و معاد) علملریلہ متوغل اولوق اوزرہ حاضرلاران هر محقق بویلہ (ارض سمسہ) و (عالم حروف) کی بالنسبہ ممکنات عقلیہ داخلندہ بولونان شیلری جف القلم انکارده استعجال ایتیمہ لیدر . و یاخودکہ بو علملرلہ اوغراشمامہ لیدر . معلومدرکہ : بر علم آدمی بیلیمدیکی شینی کور کورینہ تصدیقده نہ قدر حقسنزسہ انکاردهده او قدر حقسنزدر .

مستشرقک : (ایلک مؤمنلرک حقیقی تصوفی قیل و قاللرلہ و فلسفہ نک غریب تحفیلقیریلہ او قدر اشتغال ایتزدی) سوزینی (قدیم زاهدلرک آثارندہ اصطلاحات صوفیہ و خلوتلرده سیرسلوک مقتضاسنجه ریاضات و سائرہ ایلہ اصول وقواعد صوفیہ اوزرہ تسلیک کورولمز) شکلنہ تبدیللہ تصدیق ایدہ حکم . حقیقہ (قوت القلوب) و (عوارف المعارف)

کی و (رسالہ قشیریہ) کی قدما آثاری بویولدهدر . مشنوی شریف دہ اکثر جہتدن بویلہدر اومسلک جلیل مولانادہ بویلہدر . انجق فلاسفہ و حکمانک کتب حکمیہ و کلامیہ دہ کورولن مباحثات و مجادلانہ اصل بکزمہ مین ربانی و عرشانی غایت غامض و دقیق معارف الہیہ بی اعجاز درجہ سنده بر سہولت بیان ، بر مبذولیت دلائل و تشبیہات ایلہ انجق کندینہ مخصوص بر طرز دہ بیان ایلہ مہ سی مشنوی شریفی کتب قدما دن تفریق ایلر . کرچہ شیخ عطار و حکیم سینائی نک آثارندہ دہ بونلر کورولورسده اونلرده قطرہ ، آثار مولانادہ دریادر . حضرت پیرک ابتدای احوالندہ فقرای تسلیکی دخی طرز قدما دہ ایدی . یعنی مدرسہ دہ درس او قوتور و فقط طلبہ سنہ (نکاح طلاق عتاق بیوع و معاملات) ابوابندن زیادہ قسم عباداتہ اہمیت و یردیروب اصحاب و تابعین مشوارندہ زہد و صلاح جہتفی حالاً ، قالا اونلرہ تعلیم و تلقین ایلردی . حضرت شمس ایلہ ملاقاتی انجق سماعی و عشق و وجدی طریقندہ داها بارز بر صورتدہ طریقندہ نمایان اولمسہ سبب اولمشدر . یوقسہ ماوراءالنہر صوفیلرندہ ذاتاً سماع وار ایدی . و حضرت سلطان العلماء و مولانا اوائلدہ بعضاً مجلس سماعدہ بولونورلر و سماع ایلرلردی .

(تصوفک علم الاشارات دکل ؛ علم المعاملات [الاعمال اوله جق] ورعاية الاخلاق ایلہ تصفیۃ قلوبدن عبارت اولدیغنی کوستردم) کلامنی دہ حقیقہ جنساب پیرک مشنوی شریفدہ مسلکی سلوک و ریاضتلہ تہذیب اخلاق و عادات و طاماتلہ تہذیب ذات و صفات ایدوب وصول الی اللہ قابیلی نسان کامل یتشدیر مکدن عبارتدر سوزیلہ تأیید ایلرم .

(من عرف نفسه الخ) اثریلہ درکاھلرک بو کونکی ایجابنہ کورہ تعدیل و اصلاحی مسئلہ سنی باشقہ بر مقالہ یہ بیراقہ جفم .

اوافق برراحتسزلک العجاسیلہ جوابنامہ درویشانہ مک کجیکدیکنندن طولای عفو حالیکزی نیاز ایلرم . مستشرق فاضلک بو کی مقالہ تمزی تعقیب ایدرک کندی ملاحظاتیلہ بزی تنویر ایلہ مہ سنی یک آرزو ایلرم .

ولد چلبی

اجتماعیاتدہ فریبیلر و بوزغورجیلر

« عصری قانون »

فریبیلر مرکز باشلیجہ مدطالردن بری دہ شرعیاتہ استناد ایدن مدونات و قوانین حقوقیہ مرکز عصری ومدنی برقیمتی اولمیدیغیز . بویاکلش دوستونجہ بی رد ایتک مجبوریتندہ یز . معلوم اولدینی و جملہ حق و ناحق مفهومندن ، تعبیر دیگرلہ منفعت و مدافعہ شخصیه واجتماعیه ضرورتندن متولد اولان و کتب سماویہ ایلہ تثبیت و توثیق ایدیلان

بوکا تجاوز اولنه ماز . فقط افرادك يالكنز باشنه كرك شخصي وكر كسه عائلوي احتياجاتي تأمينه . مقتدر اوله ميه جفندن جمعيت انساني ؛ يعنى مدني اولسي ضروريدر . بو ضرورت هيئت اجتماعيه ك ديكر شخصيتلرينه قارشى متقابلاً حرمت و حقوقه رعائى اقتضا ايتيرديكي كي مدافعه حيات و مال ايجون جمعيت ناهنه . انتظام اداره يه مأمور ايديلن هيئت حكومتله ده بر طاقم مناسباني موجيدر . ديمك كه : بشريت حياتنده جمعيت ومدنيت اصل اولديغندن اولاهيئت اجتماعيه ك آهنگ وانتظامي ، ثانياً شخصي حقلى تأمين ايدمك بر قوه تأييديه احتياج واردر . شمدى بو قوه تأييديه ك وياخود قوانينك ماضع لهنده مطلوب تأثيراتي حصوله كتيه بيلمسي ايجون نهكي اوصاف وشرائطي حائز اولمسي لازمك جكني . علماي حقوقونك متفق عليه اولان رايلىنه نظراً - ملاحظه ايدم .

اولاً : جرم ايله جزا آراسنده بر مطابقت ، توازن بولمليدر منفعت اجتماعيه ، سلامت عامه ك موضوع بحث اولديني جرملرده جزا شدتلى اولمليدر .

ثانياً : جزادن مقصد مجرم وقاصدك تجزيه سندن زياده معروض اولديني عاقبتك هيئت اجتماعيه آراسنده تشهير و اعلان صورتيه امثالي جرائمك وقوعه بولماسني تأييددن عبارت اولديغندن جزا رشكلي و درجه سي اعتباريله مدار انتباه اوله بيله جك درجه ده مؤثر بولمليدر .

ثالثاً : مدافعه اجتماعيه وشخصيه اساسي لايتغير بر دستور عدالت عد اولنه رقي حق وناحق مفهوملى ديكشمه مليدر .

بو اساساتي جامع اوليان هر هانكي بر قوه تأييديه جمعيت ايجون محض ضرر ، ارباب جرائم ايجون مدار تشويق اولمقندن قور تولاماز . ايشته اسلاميت منافع عموميه ومصونيت شخصيه يي مؤمن اساسات حقوقيه يي وضع ايتمكه برابر احوال روجيه بشريه يه اك موافق اولان جزا رى دخی قطعيله تثبيت ايتمشدر . اسلاميت نظرندم حقوق وعدالت نهمان ونده قناعتله ، اجتهادله تبدل ايتمسي ، دوره كوره ديكشمه سي ممكن اوليان بر دستور لايتغيردر . صحائف تاريخده زمان زمان عدالتى اك اوافق جرملر ، اك عادى اختراصات ايجون قطع سرله تفسير ايدن حكمدارلر ، قناعتلى آتش وقانله سوندورمك ايسته ين انكيزيسيونلر كورولديكي كي ، بر قسم بشر ك قاننى هدر عدايدن ، ديكرينك اك اوافق حقوقى آرايان حاكميتلر كورولمش وكورولمكده بولنمشدر . حالبوكه شريعت اسلاميه ؛ — بلا تسبب قصداً دشمن طرفندن مباشرت اولنان جرملر مستثنا اولديني حالده — حقوق وتوزيع عدالت نقطه نظرندن نه سياست ضرورتلى ، نه رنك ، نه صنف ، نه رتبه فرقنى دوشونممش ؛ بلا- تنها هر كسك حقوقى تعرضدن مصون ، هر هانكي بر تمدنياتي كيمه قارشى اولورسه اولسون مستلزم عقوبات عد ايتمشدر .

تلقيات حقوقيه ك قوه تأييديه سي قانونلردر . ايستر اداري ، ايستر عدلى واجتماعي اولسون ، هيچ بر قانون منفعت شخصيه وعموميه ك محافظه ومدافعه سنه مختص اولمقندن وارسته قاله ماز . آنجق بتون جهان علماي حقوقونجه متفقاً قبول اولنه رقي دستور حالى اكتساب ايدن بو اساساتك صور تطبيقه سنده مختلف جريانلر ، استحاله لر حصوله كمش ، بوتأثيرات ادوار تاريخيه ده بر جوق حادثاتك ظهورينه سبب اولمشدر . ايلك جدلر مركز حقوق فكرلى محدود ايدى . موقوف طائلر آراسنده يكديكرينه عائد اولان ذر ورج ، غير ذر ورج مكنسبانه تجاوز ايتمك ، كوچكلر بيوكلرينه اطاعت ايتمك ، طائله رئيسلرينك هر هانكي بر جرمه قارشى افراد عائلوي حق تأديي بولمق كي محيطى بر ساحه ده قالان تجليات حقوقيه ، طائله لك بر لرندن خبر آلوب ويرملرى صورتيه حاصل اولان صهرت حسيله براز ده توسع ايتمش ، مدافعه اجتماعيه ك ايلك اساسي بو صورته تشكىل ايتمشدر . يواش يواش قبيله وكومه حالده يشامق احتياجي كورن انسانلر آراسنده بر طاقم متقابل حقوق ووظائفك تحصيل ايتديكى كوريسيورز . ديكر قبيله لك تجاوزينه ، غصب و غارتنه قارشى محافظه جان و مال ، شددت طبعيه يه قارشى مشترك اسباب تحفظ احضاري ، حيوانات وحشه ايله مجادله مجبورتى بين الافراد بر تعاون وآهنگ تأسيسنه مدار اولمشدر . تشرىك مساعينك ايجاب ايتيرديكي ضرورى خدمتلك عدم افاسي تهلكه سنده قارشى قبيله لر رئيسلرينك ضرب ، خدمات شافه نوغندن تعيين ايتدكلى جزا لر جمعيت نامنه ايلك قوه تأييديه يي وجوده كتيه مشدر . وقايع تكرر ايتدكجه جزا لكده تكررى تعاملى توليد ايتمش ، تعامللك جمعيتده استقراري غير مكتوب بر قانون ماهيتنى آلمشدر . قبيله لك مشترك تهلكه لر مواجهه سنده ظهوره كن غير اختياري تماسلى نتيجه سنده مبادله حسلى اويامش ، احتياجاك كتيه كجه تنوع ونعد ايلسي فكر تجارتي القا ايتمش ومتقابل مناسبلرده اساس تشكىل ايدن بر طاقم قيودات حقوقيه تأسيس ايلديكي جهته تكامل قانونلرينك ناقابل مقاومت تأثيراتي بشريتي بر طرفسدن يكي احتياجاتى مطمئن ايدمك وسائلى احضار ، ديكر طرفدن ده قوتلى ، ده مرفه يشامق ايجون غلبه لق محيطلرده طوبى لانه سوق ايدمك تدريجاً جمعيت حياتى باشلامشدر . انبياي عظام حضراتك احتياجات وترقيات فكريه وزمانيه كوره تبليغ ايتدكلى احكام الهيه ايله تعامل حالده قالان حقوق انكشافه باشله رقي طائله ، ازدواج ، وراثت ، قصاص ، مبادله خصوصياتنده معين شكللر استقرار كسب ايتمشدر . ابتدائي حكومتلك تشكىلى بودوره يه مصادفدر . تلقيات حقوقيه ك ايضاح اولنان انكشافاتى تدقيق اولنورسه كوروله جكدركه : هر فرد يشامق ، چالشمق حقنه مالكدر . مساعى نتيجه سنده ادراك واستحصال ايتديكي هر شئي كنديسنه عائددر .

حالبوکه غربیچیلر من بو حقیقتدن هر نه دنسه متغافل بولونیورلر . زعملرنجه ، قانونلر مزده قرون وسطائی برذهنیت وارمش ا ایوم قانوناً حد شرعی اجرا ایدیله بیللمسی مدنیتله توفیق ایدیله مزمش ا فی الحقیقه غرب عالمک کچیرمکده اولدینی بحرانلر ، هر شیدمه اولدینی کبی عدالت و حق مفهومی ده شیرازه سنلن چیقارمشدر . قرون وسطی تعبیری علامت استخفاف اوله رق قبول ایدن غرب ؛ بوکون ادعا ایدیلن انکشافاته رغماً مع التأسف قرون اولی یه قدر رجوع ایتش بولونیور . حیواناتک حمایه سی ، اک مدهش آزعین بر جانینک محکومیتی حسیله کچیره جکی سنه لرك آلامی تخفیف ایتکی وظیفه وجدانیه بیان آوروپا ، ینه کورو لیور که اک اوافق احتراصاتی ایچون ملیونلرجه بشری ینکدیکرینه قیردیر مق ایسترسه اک اوافق بر حس وجدانی و انسانی یه بیله تابع اولیور . حالا رنک و دین کبی هیچ کیمسه نك مدار تحقیری اولماسی لازمکن اوصاف هتک حقوق ایچون واسطه اوله رق تلقی ایدیلنور .

بر طرفدن بولشه ویک روسیه چیقیور . شخصی مساعی جمعیته مال ایدیور . آبن ترینک قیمتی هیچه صاییور . بتون استحصالاتک ، مکتسب حقوقک اخلاقی طبیعی برحق اوله رق کورو لیور . زوجه لر بیله عمومک مالی ، چوققلرده جمعیته اولادلری عد اولونیور . نه ملکیت ، نه ده مصونیت تلقلیرینه امکان وار .

بری طرفدن بر فرانسه چیقیور . رقیب آلمانیانک حق حیاتی ، حق مساعیسی بیله طانیور . بش اون تجارت کمیسی یاپلسه آلمانیا جانلانیور ، یاشامق ایستیور ، دییه قیامت لر قویور . ملیونلرجه نفوس بشرک فلاکتی دینکر بر قسمک خود بینسی تطمین ایدیور . بوکاده حق نامی ویریلور .

بر انکلتزه چیقیور . حالا یوز ملیونلرجه افراد بشری تحت اشارتده ایکتمک ایچون هر درلو مظالمی ، شدتی ، تعقید حریقی حقوق طبیعی دن عد ایدیور .

عدالت مفهوملرینک تجلیاتی ده میدانده . بهبود خانک ، طلعت پاشانک ، ووروفسکی نک ، هله مصرلی شهزاده نک قاتللرینک برائی عدالتک هیچه صاییلدیغی کوسترر . هر قتل جمعیت نامنه ورولش برضربه در . سائق آرانیه ماز . هیچ برکسه ، ولوکه واجب الازاله اولسون هیچ بر مجرمی شخصاً تجزیه ایده مز . ایدرسه جمعیت ده بو تجزیه یی کنندینه عائد حقوقه تجاوز عد ایدر . حالبوکه مقتوللرک بر قسمک مسلمان اولسی ، دیکر لرینک ده غربی سکیرلن دیرن بر عقیده یه منسوب اولسی حق چیکنه مک ایچون کافی کلشدر .

جرم ایله جزانک مطابقی قاعده سی آرتق اونوتلغه باشلامشدر . غربک سیز قانونیسی مجرملری حمایه ایده جک تهلکه لی بر شکل آلیور . اک بیوک جرمه مقابل ، اک کوچوک جزا نظریه سی مجرملری ایقاع جرائمه

تشویق و ترغیب ایدیور . اوله یا بریسی تحت نکاحنده کی قادیندن قور تلق ایچون اونی قتل ایدیور . دوعصری ژوری هیئتک حضورینه . اوراده کنندی مدافعه ایدیور . نه یاپسون ، احوال روحیه سی حرکاته انکل اولان بو قادینی کورمکه مساعد دکلش ، سوء میورمش ، اونکله یاشادق عذاب دویورمش الخ بر جوق سفسطه لر دن صکره ژوری قرارینی ویریور . مادامکه روحی بر طاقم اسباب و ضرورات فعل قتله سائق اولمش ، شو حلاله اسباب مخففه وار . حاکمه حکمی ویریور . بر سنه حبس . اووخ نه اعلا ! بریکی طرفدن بر سارقده ذوق و طریله بر حیات کچیره مدیکندن ، احوال روحیه سی کنندیسی کوزل یاشامق ایچون خر سرفه سوق ایتدیکندن بحث ایده جک ، بوده اسباب مخففه دن عد اولونه ق اوافق بر جزا ایله قور توله جق ا

ایشته عصب ، مصادره ، ملکیت ، حق مکتسب طانیماق ، بشقه ملته یاشامق حق ویرمه مک ، ایسته دیکنی تجزیه ایتک ، ایسته دیکنی عفو ایتک کبی هان هر وقت تکرر ایدن حادثات کوستریور که غرب نظام و انتظام اجتماعینک محافظه سنده عامل اولمقدن اوزا قدر . بوکونکی روح ایله ادوار ابتداییه رجوع ایدیور . حالبوکه اسلامیت وضع ایتدیکنی عدالت و حق دستور لریله بتون بشریتک خلاصکار رفاه و سعادت اولمقده دوام ایدر چکدر . بو حقیقتلر کون کبی میدانده ایکن بلا تدقیق اساسات شرعی دن ملهم قانونلر مزه قرون وسطائی برذهنیت عطف ایدلسی اسبابی آکلایه میورز . قوانین اسلامی ، دساتیر شرعی بشریتک احوال روحیه و احتیاجات طبیعی سنه اک موافق دوالدر که عون حق ایله پیدرپی بونلری تدقیق و ضرب قوانینله مقایسه یه چالیشه جفز .

مس مملکت

جمهوریت دوزنده

قوانین شرعیته نک تطبیق اولور مایه جفی دعوائی کورندر

رخونلر حقنده حد شرعینک تطبیقندن طولای آقشام غزنه سی باش محرری نجم الدین صادق بک استخفافکارانه بر مقاله نشر ایتدی . مومی الیه بو مقاله سنده حکومت جمهوریه ایله احکام و حدود شرعیته نک غیر قابل تألیف اولدیغی ، ایکسینک بر آرده یاشایه مایه جفی ، بوکونکی جمهوریتلرک یکرمنجی عصرده کی ده موقراسی جریانلرینک محمولی اولدیغی ، جمهوریتک یالکیز بر اسمدن عبارت اولمایوب مملکتک بوتون مؤسسات اجتماعیه سنه ، قانونلرینه ، نظاملرینه عائد بر هیئت عمومی اولدیغی ، محاکم شرعیه برینه عصری قانونلر اقامه سی لازم کلدیکنی ایلری بوریور .

جمهوریتله قوانین شرعیته نک امتزاج ایده میه جکنی بر اصلا قبول